

ՀԱՍՈՒ ԳՈՒ ԲԵՐԱԿԻԳ-ԱՆՈՂԱՄ Լ. Տ. ՂԱՆԱԼԱՆՅԱՆ

Հերթաթններն ընդհանրապես, այդ թվում նաև հայ ժողովրդական հերթաթները, վիպական ժանրի ստեղծագործություններ են: Իրենց բովանդակությամբ և բնույթի համեմատ դրանք բաժանվում են երկու հիմնական խմբի. 1. Հրաշապատում կամ ֆանտաստիկական և 2. Իրապատում կամ ռեալիստական: Այս բաժանումն, անշուշտ, պայմանական է, քանի որ առաջին կարգի հերթաթների մեջ հաճախ դրսևորված են լինում իրական դեպքեր ու դեմքեր, իսկ երկրորդ կարգի հերթաթներում էլ հորման առկա են զերբնական առարկաներ ու երևույթներ: Այդուհանդերձ, տվյալ բաժանումը հիմնականում ճիշտ պատկերացում է տալիս ժողովրդական հերթաթների վերոհիշյալ խմբերի համար բնորոշ սյուժեների, մոտիվների և գաղափարական ու զեղարվեստական առանձնահատկությունների մասին:

Հիշելով հրաշալիատում, արկածային կամ կենցաղային բովանդակությամբ գեղարվեստական յուրօրինակ արձակ պատմություններ, հեքիաթներն ունեն իրենց որոշակի կառուցվածքն ու ոճը. պատկերավորման կայուն միջոցները (հատուկ սկզվածքներ, ընդմիջարկություններ, վերջավորություններ, կայուն նպիտեւումներ և այլն): Նրանց հիմնական մասի ժանրային ամենաբնորոշ հատկանիշը ստեղծագործական հնարանքի վրա հենված լինելու հանգամանքն է: Հեքիաթներում պատկերված գեյքերն ու դեմքերը սովորական առումով քիչ հավաստի են, իսկ գործողության տեղն ու ժամանակն էլ՝ անորոշ ու մտացածիր: Բնության և հասարակական կյանքի երևույթներն ու առարկաները այստեղ հաճախ հանդես են գալիս ֆանտաստիկ կերպարանքով, համեմված զանազան հրաշալիքներով: Ոչ ինքը հեքիաթասացը, ոչ էլ նրա ունկնդիրները չեն հավատում պատմվածին: Դրա լավագույն ասպցույցը հեքիաթներից շատերի «եղևի է, չի կղև» կամ «կար-չկար» երկբայական բանաձևի բնույթն ունեցող հայտնի սկզվածքներն են: Եվ դա հասկանալի է, քանի որ հեքիաթների մի զգալի մասի մեջ հանդես եկող հրաշալիատում կամ ֆանտաստիկական մոտիվները, կապված լինելով մարդկանց վաղնջական պատկերացումների ու հավատալիքների հետ, այլևս չեն համընկնում ժողովրդի նոր ըմբռնումներին ու հասկացություններին, ուստի և անհասկանալի ու անհեթեթ են թվում նրան:

Սակայն, սովորական առումով հաճախ անհավաստի ու անհավանական թվադրո, վերոհիշյալ դեպքերն ու դեմքերը հերիաթնհրի մեջ միանգամայն տրամաբանական են ներկայանում գեղարվեստական և բարոյական տեսակետից և ձևոր են բերում սիմվոլիկ ու ընդհանրացնող նշանակություն:

Իրենց արմատներով գալով նախնադարյան-համայնական հասարակարգի խորքերից, հրաշապատում հերիաթները հարատևել ու ապրել են նաև հասարակական հաջորդ տնտեսաձևերում, կրելով իրենց վրա վերջիններիս նկատելի ազդեցությունը: Հնարյա պատկերացումների ու հավատալիքների աստիճանական փոփոխությունները, որոնց հետևանքով իրենց հարմարեցվել են նաև հայկական հասարակական հաջորդ տնտեսաձևերում, կրելով իրենց վրա վերջիններիս նկատելի ազդեցությունը:

ճանապարհի փոփոխության, կյանքում առաջ եկած կենցաղային, հասարակական նոր երևույթների ու հարաբերությունների հետ մեկտեղ, նրանց մեջ մուտք են գործում նոր սյուժեներ ու մոտիվներ, նորոգ թեմաներ ու զաղափարներ, հերթափոխ են երևակայությունը ավելի սերտորեն է կապվում իրական կյանքի հետ։ Առանձնապես ցայտուն է արտահայտված հերթափոխների մեջ նախորդ հասարակարգերի քայքայման հետևանքով առաջ եկած ֆեոդալական հարաբերությունների պատկերը։

Ինորոշ են այս տեսակետից այն հերթափոխները, ուր մենք տեսնում ենք մի կողմից՝ աշխատավոր խավերի ներկայացուցիչներին, հանձին՝ հողագործ գյուղացու, որսորդի, ձկնորսի, նախորդի, ջուհակի — իրենց կատարած զժվարին աշխատանքով և վարած ծանր կյանքով, մյուս կողմից՝ վերնախավի մարդկանց, հանձին՝ զանազան թագավորների, նազիր-վեզիրների, խաների ու մելիքների — իրենց կյանք ու կենցաղով, ուրիշ թագավորների հետ ունեցած պատերազմներով ու դավերով, պորտաբույծ վարք ու բարքով, հասարակ մարդկանց հանդեպ ցուցաբերած իրենց կամայականություններով։

Պակաս բնորոշ չեն նաև այն հերթափոխները, ուր երևան են գալիս առևտրական կապիտալի տիրապետության օրով իշխող հասարակական-տնտեսական, կենցաղային հարաբերություններն ու երևույթները. զանազան բազրկաններ, վաշխառուներ, սեղանավորներ, շարժիներ իրենց խարդախ գործարքներով, ղեկի հեռավոր երկրները կատարած իրենց երկարատև, արկածալից քարավանային ճանապարհորդություններով։

Հերթափոխների երկարատև կյանքը պատահական երևույթ չէ։ Այն պայմանավորված է մի կողմից՝ նրանց մեջ արտահայտություն գտած փիլիսոփայական կարևոր բնականորեն, որոնք գալիս են ժողովրդի հազարամյա կյանքի սոցիալ-պատմական փորձից, մյուս կողմից՝ զեղարվեստական այն անթափառ պատկերներով ու կերպարներով, որոնց մեջ իրենց մարմնավորումն են գտել վերահիշյալ բնականորեն։

Հերթափոխների կենսունակության ու դարավոր հարատևության հետ են կապված նաև նրանց ժանրային-ստեղծագործական այնպիսի կարևոր առանձնահատկություններ, ինչպիսիք են սյուժեների հարաբերական կայունության և տարբերակների առաջացման երևույթները։ Հայտնի է, որ հերթափոխի սյուժեները, գոյատևելով բազում դարեր, համեմատաբար քիչ են ենթարկվել փոփոխությունների։ Նրանք հիմնականում պահպանել են իրենց զխավոր հատկանիշները, իմաստաֆարույային մոտիվների զուգակցման իրենց ուրույն եկարագիրը։ Այդու հանդերձ, հերթափոխը չեն մնացել իբրև քարացած, միանգամ ընդմիջող տրամադ ինչ-որ ստեղծագործություններ, Դարերի հոլովումով նրանցից դուրս են բնկել առանձին մանրամասներ, վերջիններիս փոխարինել են ուրիշ մոտիվներ։ Իրա շնորհիվ դույացել են հերթափոխի միևնույն սյուժեներ իրազմաթիվ նոր տարբերակներ, որոնք իրենց բնականորեն կարագրով նման լինելով իրար, միաժամանակ տարբերվել են իրարից կերպարների ու մոտիվների նոր երանկներով, նորոգ զուգակցումներով։

2.

Ինչպես այլ ժողովուրդների, այնպես էլ հայերի հերթափոխների դասական տեսակը կազմում են հրաշապատում կամ ֆանտաստիկական հերթափոխները։ Վերջիններս ոչ այլ ինչ են, բայց եթե «այն արտաքին ուժերի ֆանտաստիկ ար-

տացությունը մարդկանց գլուխներում, որոնք իշխում են մարդկանց վրա նրանց ամենօրյա կյանքում... Պատմության սկզբում տյուրքիսի արտացոլման առարկաներ են հանդիսանում ամենից առաջ բնության ուժերը, որոնք հետագա զարգացման ընթացքում դանազան ժողովուրդների մոտ երևան են գալիս դրանց ամենաբազմազան ու խայտաբղետ անձնավորումներով: Բայց շուտով բնական ուժերի կողքին հանդես են գալիս նաև հասարակական ուժերը, որոնք հակադրվում են մարդուն և նույնքան օտար են ու սկզբնապես նրա համար նույնքան անբացատրելի, որքան և բնության ուժերը... Այն ֆանտաստիկ պատկերները, որոնց մեջ սկզբնապես արտացոլվում էին միայն բնության խորհրդավոր ուժերը, այժմ հասարակական հատկանիշներ էլ են ձեռք բերում և պատմական ուժերի ներկայացուցիչներ են դառնում»¹:

Անհրաժեշտ է սակայն նշել, որ յուրաքանչյուր հրաշալիատում հեքիաթի հիմքում, ինչքան էլ այն բեկված լինի ֆանտաստիկ պատկերների և սիմվոլիկ կերպարների մեջ, առկա են իրականության տարրերը: Հեքիաթները ոչ միայն արտացոլում են իրականությունը, այլև դատավճիռ են կարգում վերջինիս նկատմամբ: Այլ կերպ չէր էլ կարող լինել, քանի որ չկա ֆանտազիա, որի ենթահողը իրական չլինի:

Հայկական հրաշալիատում հեքիաթների հիմնական սյուժեների մեջ ցայտուն կերպով դրսևորված են նրանց ժանրային առանձնահատկությունները, բովանդակության մոտիվները, գեղարվեստական հատկանիշները և հասարակական-գաղափարական միտվածությունը:

Ահա մի քանի բնորոշ օրինակ:

Ա. Կրտսեր թագավորազնը հաջողությամբ կատարում է թագավոր հոր առաջարկած դժվարին խնդիրները, մի բան, որ չեն կարողանում գլուխ բերել իր ավագ ու միջնակ եղբայրները: Նա սպանում է թագավորական այգու անմահական խնձորները հափշտակող դեհին, բերում է հրաշալի Հաղարան-բլուրին, ճարում է կուրացած հոր աչքերի դեղը և այլն: Ավագ և միջնակ թագավորազները, նախանձելով իրենց կրտսեր եղբորը, դավում են նրան և տիրանում նրա ձեռք բերածներին (Հաղարան-բլուր, հրեղեն գեղեցկուհի և այլն): Ընկնելով «մութ աշխարհը», կրտսեր թագավորազնը սպանում է արժվի ձագերին հափշտակող և ժողովրդին ջրից զրկող ահուկի վիշապ-օձին, ձեռք է բերում լուսարձակ փետուրի տեր հրաշալի թռչունին, Չինմաչինի թագավորի հրեղեն աղջկան, նորից դուրս է գալիս «լույս աշխարհ» և ուկերչի աշակերտի կամ Քալի կերպարանքով վերադառնում է հայրենիք: Շատ շանցած պարզվում է թե՛ նրա ով լինելը և թե՛ նրա ավագ ու միջնակ եղբայրների դավադրությունը: Կրտսեր թագավորազնը մեծահոգությամբ ներում է եղբայրներին, ամուսնանում է իր բերած հրեղեն հարսնացուի հետ և հոր փոխարեն բազմում է նրա գահին (տե՛ս «Հաղարան-բլուր», «Ալո-Դինո», «Անմահական խնձոր», «Հուրի-փերի թռչունը» հեքիաթները):

Բ. Թագավորազնը տեսնելով գեղատեսիլ որրուհուն (Արևահատին, Վարդի-թերին), սիրահարվում է և ամուսնանում է նրա հետ: Որրուհու խորթ մայրը, չար պառավը, թագավորական վեղիբը և այլն, նախանձելով որրուհու բախտին, դավում են նրան (ծովը նետում, կուրացնում և այլն) և փոխարինում իրենց այլանդակ աղջիկներով: Դեպքերի բարեբախտ բերումով, որրուհին հան-

¹ К. Маркс, Ф. Энгельс, Сочинения, том. 14, № 322:

վում է ծովից, բուժվում են նրա կուրացած աչքերը, և նա նորից բախտավորվում է գտնելով իր ամուսնուն: Խորթ մայրը, շար պատավր, թագավորական վեպիրը իրենց այլանդակ աղջիկների հետ միասին շարաշար պատժվում են (տե՛ս «Արևահատ ու Օձամանուկ», «Գառնիկ ախպեր», «Կարմիր կովը» հեքիաթները):

Գ. Անգավակ ծնողները փողոցում գտած ձվից կամ դերվիշի տված խնձորներից օձի կամ մոզու կերպարանքով մի արու զավակ են ունենում: Սա հասակ առնելով ուղարկվում է ծնողներին թագավորի մոտ՝ իրեն համար կնության ուղևոր նրա աղջկան: Թագավորը երեք ծանր պայման է առաջարկում: Տղայի միջոցով կատարվում են թագավորի պայմանները և նա տալիս է իր աղջկան: Ապրելով կնոջ հետ, տղան գիշերները մարդ է դառնում, իսկ ցերեկները մտնում է օձի կամ մոզու պատյանի մեջ: Թագավորի աղջիկը ամուսնու բացակայության միջոցին այրում է նրա կենդանական պատյանները, որպեսզի նա այլևս կերպարանափոխվի: Տեսնելով այդ, ամուսինը սաստիկ վրդովվում է և, լքելով կնոջը, հեռանում է տնից: Մեծ տառապանքների դնով թագավորի աղջրկան հաջողվում է վերադառնալ իր ամուսնուն, որից հետո նրանք նորից սկսում են ապրել հաշտ ու երջանիկ կյանքով (տե՛ս «Հարման», «Մոզին» հեքիաթները):

Դ. Արհեստ սովորելու նպատակով, ծնողներն իրենց տղային (աղջկան) տալիս են աղբյուրի ակում ապրող կախարդ ծերուկին (Օխիկ, Ուխայ բարի և այլն): Սա իր աշակերտին սովորեցնում է թռչունի և կենդանու փոխակերպվելու արհեստը: Ուսումն ավարտելուց հետո աշակերտն ուզում է տուն վերադառնալ, սակայն ուսուցիչը թույլ չի տալիս, վախենալով, որ նա կտարածի իր արհեստի դադարները: Աշակերտը կախարդ ծերուկի տղայի (աղջկա) օժանդակությամբ մի կերպ դուրս է սողոսկում աղբյուրի ակից: Կախարդ ծերուկը զանազան թռչունների ու կենդանիների կերպարանքներ ընդունելով հետապնդում է նրան: Աշակերտը նույն միջոցին դիմելով ազատվում է նրա հետապնդումներից և ի վերջո, ոչնչացնելով կախարդ ծերուկին, վերադառնում է տուն (տե՛ս «Օխիկը», «Աղբյուրի հարսը» հեքիաթները):

Ե. Ձկնորսի աշակերտը (թագավորագնը) խղճահարկելով նորից ծովն է նետում իր բռնած զեղեցիկ Գոսկեղուխ) ձկանը: Ժամանակ անց հիշյալ ձուկը անծանոթ օտարականի (արարի) կերպարանք մտած հայտնվում է իր բարերարին, պատասխանում նրան առաջարկված բարդ հարցերին, փրկում զանազան դժվարին կացություններից և այլն: Երբ ձկնորսի աշակերտը (թագավորագնը) ուզում է հատուցել անծանոթ օտարականին (արարին) նրա արած լավությունների համար, սա հայտնում է, որ ինքը այն ձուկն է, որին նա ժամանակին ազատ էր արձակել և հիշեցնում է՝ «Լավություն արա, զցի ջուրը, աստված չիմանա — ձուկը կիմանա» առածը (տե՛ս «Խոսող ձուկը», «Ոսկեղուխ ձուկը» հեքիաթները) և այլն:

Սյուժեների նման առանձնահատուկ բնույթ ունեն նաև հայկական հրաշապատում հեքիաթների գործող անձինքը՝ Դրանք են:

Բնության դարթոնքի ու դարնան անձնավորում Հազարան բլրուր, որի երգով կանաչում է շորացած այգին:

Երաշտի ու շարության խորհրդանիշ վիշապ-օձը, որն ապրելով գետերի ու աղբյուրների ակունքում, խանդարում է մարդկանց օգտվելու ջրից:

Ջերմության ու լույսի աղբյուր, արևի անվանակից ոսկեվարս ու գեղեցիկ ձերևահատը, որը հակառակ խավար ու շար ուժերի նյութած բոլոր դավերին, դառնում է իր բախտի տերը:

Պողպատե մարմնով անհեղեղ հրեշը (Ջանփուլատ), որին հաղթելու միակ միջոցը ուրիշ առարկաների ու կականների մեջ գտնվող նրա հողին խոցելն է:

Նրեք, յոթ և ավելի դիւանի Սպիտակ, Սև և Կարմիր դևերը, խարդախ ու շար պառավները, թռչունի թևերով և մարդկային լեզվով օժտված ծովերի կամ բարայրների մեջ ապրող հրեղեն ձիերը և այլն:

Հայկական հրաշապատում հեքիաթների կենտրոնական դեմքը, նրանց հիմնական հերոսը ժողովրդի մարդն է, իր ուրույն հոգեբանությամբ ու բնավորությամբ, իր պայքարով ու ոգորումներով: Տարբեր ստեղծագործությունների մեջ նա հանդես է գալիս ու գործում է տարբեր անունների տակ, տարբեր կերպարանքներով: Մի տեղ, օրինակ, դա որսորդի որդին է կամ հենց ինքը որսորդը, մի ուրիշ տեղ՝ հովիվը՝ կամ նրա տղան, մի երրորդ տեղ՝ ձկնորսը, կամ հողագործ գյուղացին, ուրիշ դեպքերում՝ խեղճ ցախահավաքը, իմաստուն ջուլհակը և այլն: Ժողովրդական այդ բոլոր հերոսները աչքի են ընկնում իրենց ազնվությամբ, բարությամբ, աշխատասիրությամբ, խելքով, շնորհքով, համարձակությամբ և ֆիզիկական ու հոգեկան ուրիշ բարեմասնություններով: Նրանք մեծ համառությամբ ու հետևողականությամբ հաղթահարում են իրենց առջև ծառացած դժվարություններն ու խոչընդոտները, անձնական ջանքերով ուտեղծում ապահով ու երջանիկ կյանքի պայմաններ: Այդպիսիք են հրաշապատում հեքիաթների ոչ միայն տղամարդ, այլև կին հերոսները, որոնք նույնպես հանդես են գալիս իբրև գեղեցկության, խելքի, ուժի, բարոյական բարձր սկզբունքների կենդանի մարմնացումներ՝ հիանալիորեն բացահայտելով ժողովրդի պատկերացումները իդեալական կնոջ վերաբերյալ:

Հրաշապատում հեքիաթների մեջ իբրև գլխավոր հերոս բավական հաճախ հանդես է գալիս նաև կրտսեր թագավորազնը, որն այստեղ սովորաբար հակադրվում է իր ավագ ու միջակ եղբայրներին: Որսորդի, ձկնորսի, հովվի, գյուղացու զավակների և մյուսների նման նա հակամարտության մեջ է զանազան թագավորների, նազիր-վեզիրների, իշխանների, մելիքների, խանների, բեգերի հետ, մերկացնում, շարաշար պատժում ու պարտության է մատնում վերջիններիս: Կրտսեր թագավորազնի՝ հեքիաթի հերոս դառնալու կամ ավելի ճիշտ՝ այդ հերոսի կրտսեր թագավորազն կոչվելու հանգամանքը ամենայն հավանականությամբ պետք է բացատրվի այն հայացքով, որ ունեցել է ժողովուրդն առհասարակ կրտսեր զավակների վերաբերյալ, իբրև ընտանիքի ամենաերիտասարդ, հետևաբար և ամենից ավելի կենսունակ, կարելիություններով լի և առավել սիրված մի արարածի: Հեքիաթի հերոս դարձնելով կրտսեր թագավորազնին և հակադրելով նրան իր թագավոր հորը, ավագ ու միջակ թագավորազն եղբայրներին, ժողովուրդը դրանով կարծես դիմել է յուրահատուկ այլաբանության՝ դրսևորելու համար սոցիալական սանդուխքի ստորին, միջին և վերին աստիճանների միջև գոյություն ունեցող անջրպետը, դրանց հակամարտությունն ու պայքարը:

Կրտսեր թագավորազնի հերոսացման պատճառներից մեկն էլ, հավանորեն, եղել է այն, որ ժողովրդի երազանքը ազատ, ուժեղ ու անկախ մարդու մասին անցյալում խոր հակասության մեջ է գտնվել նրա իրական կյանքի ծանր պայմանների և ճնշված ու իրավազուրկ վիճակի հետ: Դրա համար էլ ահա նա

իր այդ երազանքը երբեմնային մարմնավորել է նման կերպարների մեջ, իրրև հասարակական դիրքով ավելի անկախ ու ապահով և իրենց վարմունքի ու զոր- ծելակերպի մեջ անկաշկանդ մարդկանց, որոնց միջոցով ինքը հնչեցնում էր կարող էր իրականացնել սեփական ձգտումներն ու երազանքները:

Որ կրտսեր թագավորազնը բոս էություն բուն ժողովրդական հերոս է, պերճախոս կերպով հաստատվում է այն սերտ կապով ու համագործակցու- թյամբ, որ նա հանդես է բերում հերթաթների մեջ՝ քաղաքների արվարձան- ներում ապրող աղքատ բարի պառավների, ճանապարհների խաչմերուկներում հանդիպող իմաստուն ծերունիների և նմանների հետ, լսելով վերջիններիս խորհուրդները և վայելելով նրանց օժանդակությունն ու պաշտպանությունը: Պակաս պերճախոս ապացույց չէ նաև այն հանգամանքը, որ կրտսեր թագա- վորազնը հերթաթների մեջ մեծ մասամբ անտեսված ու հալածված է թագավոր- ների և մյուս թագավորազների կողմից, օժտված է հասարակ մարդկանց հա- տուկ բնավորության զծերով, նրանց հոգերանությունում ու հայացքներով:

Տարրերվելով իրարից սյուժեներով, գործող անձերով և հերոսներով, հրա- շապատում հերթաթները մոտ ու նման են իրար իրենց հասարակական-գաղա- փարական լիցքով: Նրանց բոլորի մեջ էլ, տարբեր ձևերով ու երանգավորմամբ, դրսևորված են մարդկանց լավագույն ձգտումներն ու երազանքները առատու- թյան, երջանկության, խաղաղության, համերաշխության, աղատ ու անկաշ- կանդ կյանքի ու աշխատանքի, ծերության և զանազան հիվանդությունների դեմ պայքարելու անհրաժեշտության մասին: Նրանց բոլորի մեջ էլ, տարբեր ձևե- րով, արձագանք են գտել այն ճիգերն ու քանքերը, որ գործադրել են մարդիկ այդ ձգտումներն ու երազանքները ի կատար ուժելու, շրջապատի բնության և հասարակական կյանքի շար ուժերը ճանաչելու, դրանք հաղթահարելու և առ- հասարակ իրականությունը վերափոխելու ուղղությամբ:

Մարդկային վերոհիշյալ ձգտումների ու երազանքների հերթաթային ու- րույն խորհրդանիշներին են.

Հռչակավոր կախաբղական սփռույթ, որին տիրապետող ուզած դեպքում ունենում է անհրաժեշտ բանակությամբ ուտելիք ու խմելիք:

Հրաշազուրծ քասր, որը ձեռք բերողը ամենակարճ ժամանակում դառնում է հարուստ ու ապահով մարդ:

Կախաբղական աշտանակը, որի զազտներին տիրապետող իր օրն անց է կացնում երգով ու պարով, գեղեցիկ աղջիկների շրջապատում:

Հրաշազուրծ երկանքը, որն ունեցողը բնդմիշտ ազատվում է հացի ծանր հոգսից և ապրում է առատության ու լիության մեջ, և շատ ուրիշ կախաբղական առարկաներ ու նյութեր (անմահական քրեր ու խնձորներ, խոտեր ու պտուղ- ներ), որոնց շնորհիվ մարդը դառնում է երիտասարդ ու գեղեցիկ, բուժվում ծանր ախտերից ու հիվանդություններից:

Ապահով ու երջանիկ կյանքի հասնելու մարդկային ձգտումը հրաշապա- տում հերթաթների մեջ սերտորեն շաղկապված է մարդու կողմից բնության զազտներներն բմրանելու, նրա ուժերին տիրապետելու և դրանք իր կենսական շահերին ծառայեցնելու անհրաժեշտության գիտակցության հետ:

Հերթաթային հռչակավոր քոչող զորքը, որի միջոցով հերոսը կամ հերո- սուհին մի ակնթարթում կտրում, անցնում է հսկայական տարածություններ, փրկվելով վերահաս ահեղ վտանգից կամ էլ շտապ օգնության է հասնում ծանր վիճակի մեջ եղողներին, քրի վրա էալլող կախաբղական կոչիկները, ու-

րոնց օգնութեամբ նրանք ազատվում են թշնամական հետապնդումներից, ժամանակին հասնում իրենց նպատակներին, և էլի ուրիշ կախարդական առարկաներ, հին մարդկանց վերոհիշյալ գիտակցութեան ցայտուն արտահայտութիւններն են: Դրանց մեջ գրեթէ բոլորը են ժողովրդի՝ մատերիալիստական հիմքեր ունեցող սուր միտքն ու զեպի հեռուները սավառնող երեակայութիւնը, գիտութեան ու տեխնիկայի ապագա խոշորագոյն նվաճումները կանխակոահելու նրա բնորոշակութիւնները:

Բնչպես կյանքում, այնպես էլ հրաշապատում հեքիաթների մեջ, մարդկային լավագոյն ձգտումների ու երազանքների իրականացումը կատարվում է երկարատե ու համառ պայքարի միջոցով: Այլ դա բնական ու հասկանալի է, քանի որ այդ ձգտումներն ու երազանքները դարեր շարունակ հակասութեան մեջ են եղել մի կողմից բնութեան և մյուս կողմից՝ տիրող հասարակական ամենակարող ու բազմադեմ շար ուժերի հետ:

Հրաշապատում հեքիաթների մեջ ցայտուն անդրադարձում գտած «շարի» ու «բարու» կոիվը այդ պայքարի սիմվոլիկ արտահայտութիւնն է, անձնավորւթած համապատասխան հեքիաթային բացասական ու դրական կերպարների մեջ:

Հիշենք, իբրեւ օրինակ, «Հազարան բլրու» հայտնի հեքիաթը, ուր շարի կրողներն են անմահական խնձորները հափշտակող զազրելի դեր, ջուրն արդելող հսկայական վիշապը, պողպատամարմին անհեղեղ հրեշը, իսկ բարուներ՝ հնարամիտ ու անվահեր կրտսեր թագավորագնը կամ գեղջուկ Ալո-Գինոն:

Հիշենք «Արեահասու և Օձամանուկ» հեքիաթը, ուր շարի կրողներն են նախանձ ու դավադիր խորթ մայրը և սրա այլանդակ աղջիկը, իսկ բարուներ՝ ագնիվ, գեղեցիկ ու անմեղ Արեահաստը:

Հիշենք «Որսորդի գավակը» հեքիաթը, ուր շարը հանդես է գալիս հանձին կամայական ու անգութ թագավորի և ազահ ու նախանձ վեդիրի, իսկ բարին՝ հանձին հնարամիտ ու համարձակ որսորդի տղայի, և այլն, և այլն:

Հրաշապատում հեքիաթների մեջ շարի և բարու պայքարը սովորաբար վերջանում է բարու հաղթանակով, շնայած այն հանգամանքին, որ կյանքում միշտ չէ, որ հաղթել է վերջինս: Այս շեղումը իրականութիւնից իր հիմքերն ունի դարձյալ նույն իրականութեան մեջ: Ժողովրդի լավատեսութեան ու առողջութեան, սեփական անպարտելի ուժի ու վերջնական հաղթանակի վերաբերյալ նրա ունեցած վառ հավատի ցայտուն արտահայտութիւնն է դա, որը շեղված կերպով երևան է գալիս ոչ միայն հեքիաթների, այլև նրա բանավոր ստեղծագործութեան շատ ուրիշ հուշարձանների մեջ: Ընդհատ է նկատված, որ ավանդական բանահոսութեանը կատարելապես խորթ է հոռետեսութիւնը, շնայած այն իրաստին, որ նրա ստեղծողները ծանր կյանք են ունեցել և նրանց տանջալից ստրկական աշխատանքը իմաստագործ են դարձրել շահագործողները, իսկ անձնական կյանքը եղել է իրավազուրկ ու անպաշտպան: Սակայն, շնայած այդ բոլորին, կուեկտիվին հատուկ է եղել անմահութեան գիտակցութիւնը և այն համոզումը, թե նա կհաղթանակի իրեն թշնամի բոլոր ուժերին:

Ահա թե որտեղից է գալիս հրաշապատում հեքիաթներին հատուկ զեպի պայքար ոգեկոչող առնական ոռմանտիզմը, ահա թե ինչու նրանց մեջ պատ-

կերված է մի աշխարհ, ուր գոյություն ունի և երազելով լավագույն կյանքի մասին, գործում է մի ինչ-որ ազատ, անվեհեր ուժ»:

Հրաշապատում հեքիաթների բնույթին ու բովանդակությանը միանգամայն համահնչուն է նաև նրանց արվեստը: Այդ հեքիաթները աչքի են ընկնում իրենց զրավիչ պատմեցածեով և ոճով, հիպերբոլիկ պատկերներով, խոսուն հնչավորումներով և գունեղ անձնավորումներով, հետաքրքրաշարժ ինտրիգներով ու կոլիզիաներով, դինամիկ զարգացող հարուստ սյուժեներով, «տիտանական ընդհանրացումներ» (Մ. Գորկի) հասնող սիմվոլիկ կերպարներով: Ի տարբերություն գրական կերպարների, որոնք սովորաբար հանդես են գալիս իրենց զարգացման ու լինելիության հոգեբանական պրոցեսի մեջ, հրաշապատում հեքիաթների կերպարները մարդկային որոշակի գծեր ու հատկություններ խտացնող միանգամ ընդմիշտ տրված պատրաստի ու ամբողջական տիպեր են:

3.

Հրաշապատում հեքիաթներից բացի Հայաստանում դարերի ընթացքում ստեղծվել ու սերնդից-սերունդ պատմվել են նաև շատ թվով իրապատում կամ ռեալիստական հեքիաթներ: Իրենց ծագումով դրանք հիմնականում կապվում են ֆեոդալական հասարակարդի հետ և արտացոլում են վերջինիս պայմաններում գոյություն ունեցող տնտեսական, սոցիալական, իրավական, կենցաղային երևույթներն ու հարաբերությունները:

Իրապատում հեքիաթների գլխավոր տարերքը՝ աշխարհիկ ու հոգևոր հարստահարիչների մարդկային և հասարակական բացասական գծերի մերկացումն ու քննադատությունն է՝ մի կողմից, և աշխատավոր մարդկանց արժանիքների զրկատիքը՝ մյուս կողմից: Զանազան թագավորների ու իշխանների, գյուղական ու քաղաքային տեսակ-տեսակ ցեղերի, աստիճանավոր ու շարքային հոգևորականների պորտաբույծ վարք ու բարքին այստեղ հակադրված են հովիվների ու որսորդների, գյուղացիների ու արհեստավորների աշխատասիրությունն ու ազնվությունը, խելքն ու շնորհքը:

Իրա հետ զուգընթաց, նույն հեքիաթներում անողոր քննադատության ու ծաղրի են ենթարկված պարծենկոտությունը, ստախոսությունը, ծուլությունը, ազահությունը, գողությունը, անբարոյականությունը և այլն:

Հրաշապատում հեքիաթների պես իրապատում հեքիաթները ևս ունեն իրենց ուրույն սյուժեները, որոնց մեջ հարազատորեն արտացոլված են նրանց ժանրային նկարագիրը, բովանդակության ու արվեստի առանձնահատկությունները, հասարակական-զաղափարական միտվածությունը:

Ահա մի քանի բնորոշ օրինակ:

Ա. Աղքատ մարդը, հասարակ ջուլհակը, դերձակը իրենց հնարամտության ու շնորհի օգնությամբ պատասխանում են թագավորի դժվար հարցերին և կատարում նրա պահանջած բարդ գործերը, որոնք մինչ այդ չէին կարողացել ևնել պալատական իմաստունները, նազիր-վեզիրներն ու թագավորագնորդները: Տեսնելով այդ, թագավորը լի ու լի վարձատրում ու զրկատում է աղքատ մարդուն, հասարակ ջուլհակին, դերձակին, իսկ պալատական իմաստուններին, նազիր-վեզիրներին ու թագավորագնորդներին էլ՝ նախատում ու պատժում իրենց

³ М. Горький, О литературе, М., 1937, էջ 174:

նախանձի ու անճարակության համար (տե՛ս «Իմաստուն ջուհակը», «Խելացի բաժանարարը», «Թագավորի հարցերին պատասխանողը», «Էլեմակիդ համեմատ ոտներդ մեկնիր», «Սուտ ասանը» հեթաթեքները)։

Բ. Թագավորազներ հավանում է հասարակ գյուղացու, դերձակի գեղեցիկ աղջկան և ուզում է, ինչ գնով լինի, տիրանալ նրան։ Սակայն հասարակ գյուղացու, դերձակի աղջիկը չի ենթարկվում թագավորազնին։ Բարձր պահած իր արժանապատվությունը, նա հաղթում է թագավորազնին և կատարել է տալիս նրան իր կամքը (տե՛ս «Փեշակը ոսկի է», «Դերձակի աղջիկը» հեթաթեքները)։

Գ. Տերը անգթորեն հարստահարում, նեղում ու վիրավորում է ծառային։ Մահան կամ սրա եղբայրը վրիժառու են լինում տիրոջից՝ լավ խայտառակում նրան և տիրանում նրա ունեցվածքին ու կնոջը (տե՛ս «Էրոն ու Տերոն», «Նոքար Սիմոնը» հեթաթեքները)։

Դ. Քահանան եկեղեցում քարոզելիս խրատում է ժողովրդին՝ լինել առատաձեռն, բարոյական, օրինակելի վարք ու բարքի տեր։ Աղքատը, պառավ կինը խայտառակում են քահանային, ցույց տալով, որ նա կյանքում իր քարոզածի հակառակն է անում (տե՛ս «Քահանային խայտառակող պառավը», «Սանթանաթի սարերը» հեթաթեքները)։

Ե. Կինը խորամանկորեն տնից վտարում է իր ծույլ ու անպետք ամուսնուն։ Զանգան բարեհաջող դիպվածների բերումով վերջինս իմաստունի, հերոսի համբավ է ձեռք բերում և արժանանում է մեծ փառքի ու պատվի (տե՛ս «Դժիկեն», «Ծույլ ամուսինը» հեթաթեքները)։

Իրապատում հեթաթեքների գործող անձինք են՝ ուրիշի հաշվին ապրող աղան, ոեսը, խարդախ վաճառականը, ազահ ու որկրամոլ քահանան, կաշառակեր դատավորը, աշխատասեր կամ ծույլ կանայք ու տղամարդիկ, հավատարիմ, համեստ կամ դավաճան ու փառասեր կանայք, հիմար կամ խելոք եղբայրներն ու քույրերը և այլն։

Նույն հեթաթեքների հերոսներն են՝ ջսնասեր գյուղացին, ազնիվ արհեստավորը, շարաշար հարստահարված ծառան, հնարամիտ աղքատը, իմաստուն ջուհակը և այլն։

Իրապատում հեթաթեքներում իսպառ բացակայում է հրաշապատում հեթաթեքների հերոս կրտսեր թագավորազներ։ Ընդ որա պատահական չէ։ Հրաշապատում հեթաթեքները ստեղծվել են պատմական մի ժամանակաշրջանում, երբ ժողովուրդը գեռևս լիովին չ'ը գիտակցել իր հասարակական կշիռը։ Վրտսեր թագավորազնի հերոսացումը հետևանք էր նրա աշխարհայացքի պատմական այդ սահմանափակության։ Իրապատում հեթաթեքները ձևավորվել են այնպիսի ժամանակ, երբ հասարակական կյանքում տեղի ունեցած համապատասխան տեղաշարժերի հետևանքով (դասակարգային հակամարտությունների սրում, գյուղացիական խռովությունների առաջացում և այլն) արթնացել էր ժողովրդի ինքնագիտակցությունը և նա արդեն սկսել էր զգալ իր ուժը։ Հասարակ մարդու՝ հեթաթեքի հիմնական հերոս դառնալու հանգամանքը ժողովրդական լայն զանգվածների պատմական այդ զարթոնքի հետևանքն էր։ Ճիշտ է, հրաշապատում հեթաթեքների մեջ էլ, ինչպես նշվեց վերևում, կրտսեր թագավորազնի հետ իբրև գլխավոր գործող անձ կամ հերոս երբեմն հանդես են գալիս նաև ներքնախավի որոշ ներկայացուցիչներ (երսորդը, ձկնորսը, ոսկերչի աշակերտը և այլն), սակայն նրանք տվյալ դեպքում չունեն իրապատում հե-

թիաթների հերոսների ունիտատական նկարագիրը և գերազանցապես ֆանտաստիկ ու սիմվոլիկ կերպարներ են:

Հրաշապատում հերիաթների նման իրապատում հերիաթների հասարակական-գաղափարական հիմնական բովանդակությունը կազմում են ապահով ու երջանիկ կյանքի ժողովրդական երազներն ու ձգտումը և այն տեական, համառ պայքարը, որ մղել է նա դարերի ընթացքում իր այդ երազներին հասնելու համար: Տարբերությունը միայն այն է, որ մինչդեռ առաջին դեպքում ժողովրդի ձգտումներն իրականանում են գլխավորապես բնության «չար» ուժերի դեմ տարվող պայքարի միջոցով, երկրորդ դեպքում նույն այդ պայքարը հիմնականում ուղղված է սոցիալական կյանքի «չար» ուժերի դեմ:

Իրապատում հերիաթները ամբողջապես ներթափանցված են աշխատանքային գաղափարախոսությամբ: Աշխատանքի նկատմամբ իրենց ունեցած վերաբերմունքով են ըստ էության նմանվում իրար և տարբերվում իրարից այդ հերիաթների գլխավոր ու երկրորդական բոլոր գործող անձինք: Աշխատանքն է հանդիսանում նրանց բոլորի փոխհարաբերության շարժիչ ուժը:

Իրապատում հերիաթների արվեստը պայմանավորված է նրանց բովանդակությունը կազմող՝ սոցիալ-կենցաղային թեմաներով, իրական առարկաներով ու երևույթներով, մարդկային-հասարակական առօրեական հարաբերություններով: Դրանք սովորական կարճաոտտ պատմություններ են, որոնց համար բնորոշ է գործողության միասնականությունը, լարուն սյուժեն, կոնֆլիկտային բնույթի միջադեպերը, գործող անձանց հակադրականությունը (տևը և ծառա, աշխատասեր ու ծուլ, խելոք և հիմար, բախտավոր ու անբախտ և այլն), նրանց հոգեֆիզիկական հատկությունների և կատարած արարքների մանրամասն բնութագրումների ու պատճառաբանության բացակայությունը:

Իրապատում հերիաթները աչքի են ընկնում նաև իրենց կենդանի ու անբրոնազրոս երկախոսություններով, հասարակ, պարզ լեզվով ու ոճով, դիպուկ արտահայտություններով և սրամիտ բառախաղերով:

4.

Հերիաթների մեծ մասը առհասարակ կազմում են ընդհանուր կամ միջազգային ստեղծագործություններ: Դրանք այն հերիաթներն են, որոնց գույզահեղները առկա են էթնիկապես և աշխարհագրորեն տարբեր ազգերի անդիր բանահյուսության մեջ, և որոնք նման են իրար ինչպես իրենց սյուժեներով, գործող անձերով ու հերոսներով, այնպես էլ հասարակական-գաղափարական բովանդակությամբ:

Հիշյալ կարգի հերիաթների առկայությունը բացատրվում է.

ա. Տարբեր ժողովուրդների անցած պատմական զարգացման համանման ճանապարհով, նրանց ապրած քնական, տնտեսական ու հասարակական ընդհանուր պայմաններով և այս վերջինների վրա խարսխված կենսաձևերի, մարդկային հոգեբանության ու աշխարհայացքի նմանությամբ:

բ. Արևելքի ու Արևմուտքի մի շարք ժողովուրդների միջև դարերի ընթացքում կատարված տարբեր տիպի շփումներով ու միջազգային փոխազդեցություններով (Ալեքսանդր Մակեդոնացու, արաբների և խաչակրաց արշավանքները, երկարատև առևտրական հարաբերություններ և այլն), և

զ. Յեղակից ազգերի ծագումնաբանական արմատներից եկող ընդհանուր ժառանգությունը:

Հայկական հեքիաթների մեջ առկա վերոհիշյալ կարգի ստեղծագործությունների բնորոշ օրինակներից են.

1. «Հազարամյա ընկեր»⁴, որի զուգահեռները կան պարսկական, թաթարական, ռուսական, գերմանական և մի շարք ուրիշ ժողովուրդների հեքիաթների մեջ⁵:

2. «Ուրիկը», որի զուգահեռները կան պարսկական, արխաղական, մեդոնական, ռուսական, գերմանական և մի շարք ուրիշ ժողովուրդների հեքիաթներում⁶:

3. «Տղա դարձող աղվիկը», որի զուգահեռները կան կարարդինական, արխաղական, հունական, ռումինական, հին-իռլանդական, ֆիննական, նորվեգական, իտալական և ուրիշ ժողովուրդների հեքիաթներում⁷:

4. «Դժիկոն», որի զուգահեռները կան պարսկական, թաթարական, վրացական, արխաղական, մեդոնական, չեչենական, թալիշական, ռուսական, գերմանական, հարավ-ամերիկյան և ուրիշ ժողովուրդների հեքիաթներում⁸:

5. «Փեշակը ոսկի է», որի զուգահեռները կան պարսկական, արաբական, վրացական, կարարդինական և ուրիշ ժողովուրդների հեքիաթներում⁹:

6. «Նեմե՛ Եղբայրներ», որի զուգահեռները կան վրացական, հնդկական, արաբական և ուրիշ ժողովուրդների հեքիաթներում¹⁰ և այլն:

Հեքիաթներում միջազգային ստեղծագործությունների հետ մեկտեղ կան նաև զուտ տեղական կամ ազգային ստեղծագործություններ: Դրանք այն հեքիաթներն են, որոնց զուգահեռները բացակայում են ուրիշ ժողովուրդների հեքիաթներում:

Եթե ընդհանուր կամ միջազգային կոչված հեքիաթներում ազգային բնույթ ունեն միայն հեքիաթային կերպարներին տրված ուրույն մեկնաբանությունները, կենցաղային նկարագրությունների բնորոշ մանրամասները, գործող անձանց ու հերոսների վարքագծի առանձին դրվագները, ապա տեղական կոչ-

⁴ «Персидские народные сказки», М.—Л., 1934, էջ 86—90, «Сборник материалов для описания местностей и племен Кавказа», պրակ 26, բաժ. 2, էջ 93—104; Н. П. Андреев, Указатель сказочных сюжетов, Л., 1929, № 551; Bolte-Polivka, Anmerkungen zu den Kunderung Hausmärchen der Brüder Grimm, 1913—1918, II, 97.

⁵ «Персидские народные сказки», М.—Л., 1934, էջ 303—311; «Абхазские народные сказки», Сухуми, 1935, էջ 114—119; «Сборник материалов...», պրակ 10, բաժ. 2, էջ 110—118, Н. П. Андреев, Указатель, № 325, 563; Bolte-Polivka, I, 36, II, 68.

⁶ «Сборник материалов...», պրակ 34, բաժ. 4, էջ 6—14; «Абхазские сказки», էջ 160—163; Н. П. Андреев, Указатель, № 328, 531.

⁷ «Персидские народные сказки», էջ 387—394; «Сборник материалов...», պրակ 6, բաժ. 2, էջ 109—118, պրակ 13, բաժ. 2, էջ 295—296, պրակ 23, բաժ. 3, էջ 13—18; «Грузинские сказки», էջ 362—373; «Абхазские сказки», էջ 85—87, 90—92, 183—186, 210—216; «Сборник материалов...», պրակ 24, բաժ. 2, էջ 39—42, պրակ 22, բաժ. 3, էջ 4—12, պրակ 6, բաժ. 2, էջ 109—118; Н. П. Андреев, Указатель № 1640; Bolte-Polivka, I, 20.

⁸ «Персидские народные сказки», էջ 67—70; Chauvin V., Bibliographie des ouvrages arabes, VI, Liege, 1904, էջ 72—73, № 239; «Грузинские сказки», էջ 393—395; «Сборник материалов...», պրակ 27, բաժ. 4, էջ 1—8.

⁹ «Восточные записки», 1895, էջ 221—239; Минаев, Индийские сказки, СПб., 1877, էջ 69—79, № 391; Chauvin, VI, էջ 158—161, № 138.

ված հերիաթները րստ ամենայնի ազգային ստեղծագործություններ են թե՛ իրենց բովանդակությամբ, զազափարական կողմով և թե՛ ձևական առանձնահատկություններով, սյուժետային մոտիվների ու կերպարների տիպաբանական խաչավորումներով:

Ստեղծված ու մշակված լինելով տեղական հողի վրա, նշված հերիաթները ճշմարտացիորեն արտացոլում են տվյալ երկրի բնա-ֆիզիկական առանձնահատկությունները, նրա բնակիչների պատմական ճակատագիրը, կենցաղը, բարքերը, աշխարհայացքը, հոգեբանությունը, ազգային բնավորության բնորոշ գծերը:

Հայ ժողովրդի ստեղծած ազգային կամ տեղական հերիաթների ցայտուն նմուշներից է «Օձն ու աղբատը» խորագրով ուշագրավ հերիաթը, որի մեջ պատմվում է, թե ինչպես մի թագավոր երազում առաջին անգամ տեսնում է, որ երկնքից աղվեսներ են թափվում, երկրորդ անգամ՝ արյուն, իսկ երրորդ անգամ՝ գառներ: Նա մեծ քանակությամբ ոսկի է խոստանում այն մարդուն, ով կկարողանա մեկնել իր երազների իմաստը: Կնոջ ստիպմամբ աղքատ գյուղացին գնում է թագավորի երազները մեկնելու: Ճանապարհին պատահում է օձին, որը տալիս է նրան թագավորի երազների մեկնությունը, պայմանով, որ քաղաքում ոսկուց իրեն էլ բաժին հանվի: Օձի թելադրանքով աղքատ գյուղացին հայտնում է թագավորին, որ նրա առաջին երազը (երկնքից աղվեսներ թափվելը) նշան է, որ կյանքում իշխելու են նեղ ու խորամանկ մարդիկ. երկրորդ երազը (երկնքից արյուն թափվելը) նշան է, որ կյանքում կռիվ ու արյունահեղություն է լինելու. երրորդ երազը (երկնքից գառներ թափվելը) նշան է, որ կյանքում հաշտություն ու խաղաղություն է տիրելու:

Հակառակ օձին տված իր խոստման, գյուղացին առաջին անգամ խաբում է նրան և ոչինչ չի տալիս, երկրորդ անգամ փորձում է սպանել նրան, և միայն երրորդ անգամ, զղջալով իր վարմունքի համար, զալիս է օձի մոտ և ուզում է բաժանել վերջինիս հետ իր ստացած բոլոր ոսկիները:

Սակայն օձը հրաժարվում է րնդունել գյուղացու առաջարկած ոսկիները, ասելով, որ ինքը ներում է նրան, քանի որ այդպես է թելադրել նրան ոչ թե իր անձնական կամքը, այլ ժամանակների ոգին:

Այս խիստ ուշագրավ հերիաթի մեջ հավաստվում է այն ճշմարտությունը, րստ որի մարդու կատարած սխալներից և անարդարության գործողությունները կախված են ոչ թե նրա անձնական մտադրություններից ու ցանկություններից, այլ այն հասարակական, կենցաղային ու բարոյական միջավայրից ու պայմաններից, որի մեջ գտնվում է նա:

Ազգային կամ տեղական բնույթի նմանօրինակ մի ուրիշ ստեղծագործություն է «Դատ ու բեղատ» խորագրով հետևյալ ինքնատիպ ու խորունկ հայկական հերիաթը:

Երեսուն տարի շարունակ իր տերերին ծառայելուց հետո նախորդը վերցում բոլորովին ձեռնունայն է մնում: Ընդ որ նա պատահմամբ գանձ է գտնում: Ինքի մարդիկ խլում են նրանից և այդ գանձը՝ Դատնացած աշխարհում տիրող անարդարությունից, նախորդը կտակում է, որ իր գավալի անունը անպայման Դատ-բեղատ (Վրեժ և արդարություն) դնեն: Այդպես էլ անում են: Չափահաս դասնալով, Դատ-բեղատը սկսում է զբաղվել նախորդությամբ, ուխտելով ինչ գնով էլ լինի լուծել հոր վրեժը: Խախտելով թագավորի սահմանած կարգը, Դատ-բեղատը մոթ գիշերներին ճրագ է վառում իր խրճիթում: Խաղավորը կարգա-

դրում է պատժել ըմբոստ նախորդին, սակայն վերջինս ազատվում է թաղավորի մարդկանց հետապնդությունից, սպանում է կողոպտիչ ռեսին և տեր է դառնում իր հոր գտած դանձին:

Տվյալ հեթաթեքի մեջ զեղարվեստական խոր ընդհանրացմամբ խորհրդանշված է մահու և կենաց այն ցասկոտ պայքարը, որ մղել է հայ ժողովուրդը դարերի ընթացքում կյանքում զոյություն ունեցող սոցիալական ապագակող անարդարությունների դեմ, հանուն արդարության և իրավահավասարության:

Նույն կարգի ստեղծագործություններ են նաև հայկական հայտնի հեթաթեքներից՝ «Ռանչուար Օհանի տղան», «Վերմակիդ համեմատ ոտներդ մեկնիր», «Իմաստուն ջուլհակը» (հատկապես սրա առաջին մասը՝ դազգահին ամրացված թելերով օրորոցն ու եղևներ շարժող ջուլհակի մասին), «Ցախահավաքը» (հատկապես սրա առաջին մասը՝ աղբատի ձեռք բերած հարստության ու իշխանության և վերջիններիս կորուստի մասին), «Աղբատին պաշտովդ կինը», «Պոչով սուտը», «Բազավորի հարցերին պատասխանողը», «Վեզիրի մի շահին», «Սլիկ երեցը», «Նորար Սիմոնը» և այլն:

Վերոհիշյալ ստեղծագործությունների մեջ մեր աչքի առջև հառնում են Հայաստանի ձյունադադաթ լեռներն ու խոր կիրճերը, բարձրադիր լճերն ու գետերը, կանաչ արոտավայրերն ու խանձված դաշտերը, երկրի ուրույն բուսական ու կենդանական աշխարհի հետ միասին: Նույն այդ հեթաթեքներում մենք տեսնում ենք աշխատավոր հայ շինականին ու արհեստավորին, իրենց ապրուստով ու հագուստով, վարք ու բարքով, հավատալիքներով ու հասկացություններով, հայրենի ու օտար հարստահարիչներից կրած անլուր տառապանքներով, վերջիններիս դեմ մղած անդուլ պայքարով, իրենց ինքնօրինակ բնափիլիսոփայությամբ ու կենսափիլիսոփայությամբ:

5.

Մեծ է առհասարակ հեթաթեքների, այդ թվում նաև հայկական հեթաթեքների, ինչպես դաստիարակչական, այնպես էլ պատմա-ճանաչողական և դրաձան-դեղարվեստական արժեքն ու նշանակությունը: Հեթաթեքները ժողովրդի համար միայն հաճելի ժամանցի առարկա չեն եղել, որոնցով նա կարճել է ձմռան երկար ու ձանձրալի գիշերները, փարատել ցերեկվա ծանր առօրյայի ճնշիչ տուրբուրությունը: Նրանք կատարել են հասարակական լայն զանգվածների լավագույն ձգտումների ու իդեալի յուրահատուկ հաղորդիչի դերը, ամրապնդել են նրանց նվիրական ավանդները իրար հաջորդող սերունդների գիտակցության մեջ: Հեթաթեքների միջոցով ժողովուրդը դրսևորել է այն ոգորումները, որ մղել է ինքը բնության տարերային ուժերի հաղթահարման համար. արտահայտել իր մտորումները, որոնք է իր կրած անլուր տառապանքների պատճառները, պայքարի կոչ է արել ամեն տիպի բռնության, ճնշման, անարդարության ու շահագործման դեմ:

Մարդիկ դարեր շարունակ ոգևորվել են հեթաթեքների հերոսների խիզախությամբ, անվահերություններով, խելքի ու հնարամտության հիանալի օրինակներով, դժվարությունները հաղթահարելու մեծ կամքով, չքավորներին ու ընկածներին զորավիգ կանգնելու ազնիվ ձգտումով, արդարությունը պաշտպանելու և ճշմարտությանը հասնելու անձնագոհ պատրաստակամությամբ, ջանադիր աշխատասիրությամբ, հավատարմությամբ և անձնագոհությամբ:

ժողովրդական բանահյուսության մյուս ժանրերի հետ միասին, հեքիաթները շնորհակալ ու հարուստ նյութ են տալիս ժողովրդի հոգեբանությունը, նրա իդեներն ու ակնկալությունները, նրա բուն պատմությունը ուսումնասիրելու համար:

Փալով խոր հնադարից, հեքիաթների լավագույն նմուշները այսօր էլ չեն կորցրել իրենց հմայքն ու ուժը և զեղարվեստական մեծ բավականություն են պատճառում մարդկանց: Նրանք ունեն յուրահատուկ «անհասանելի նորմայի» նշանակություն, այնքանով, որքանով որ բանաստեղծական բարձր ձևերի մեջ կերպավորում են ժողովրդի դարավոր մտքերն ու զգացմունքները, մարդկության «անկրկնելի մանկությունը»¹¹:

АРМЯНСКИЕ НАРОДНЫЕ СКАЗКИ

Член-корр. АН Арм. ССР А. Т. ГАНАЛАНЯН

(Р е з ю м е)

Большую часть сказок составляют те произведения, параллели которых наличествуют в устном фольклоре различных в этническом и географическом отношениях наций и существование которых в основном объясняется идентичностью пройденного этими нациями пути исторического развития. Такими произведениями являются известные армянские сказки «Азаран блбул», «Охик», «Джико» и др.

Среди сказок имеются также чисто местные или национальные произведения. Это те сказки, параллели которых у других народов отсутствуют и которые отображают естественные условия данной страны, специфическую судьбу ее жителей, их быт, обычаи, отличительные черты национального характера. Таковы известные армянские сказки «Змея и нищий», «Сын крестьянина Огана», «Дат и бедат» и др.

В сказках отображены лучшие чаяния и мечты народа об изобилии, счастье, мире, свободной жизни; в них нашли свое выражение действия человека во имя осуществления этих чаяний, преодоления злых сил окружающей природы и общественной жизни.

Велики воспитательная, познавательная и художественная ценность и значение сказок. Люди в течение веков воодушевлялись лучшими примерами доблести, бесстрашия, ума, находчивости их героев. Сказки дают богатейший материал для изучения психологии, чаяний, стремлений, эстетических взглядов народа, его подлинной истории. Возникнув в глубокой древности, лучшие образцы сказок и сегодня восхищают своей очаровательной силой и доставляют большое эстетическое наслаждение.

¹¹ Կ. Մարքու, *Վաղարաճանեանութիւնը բնահայտութեան շուրջը*, Երևան, 1948, էջ 270 - 272: